


Mbimwatiir AaBabur

Binib bi jooni tibor tee na

Yesu Aajan Aafalaa

Aajim Ni Waakun

Aafikr



Unii u gmee kigbang kee na: Edward Hughes

Umomokr: Janie Forest  
Alastair Paterson

Unii u gaakii tibornyaan tee na: Lyn Doerksen

Ubonabr: [www.christian-translation.com](http://www.christian-translation.com)

Unii u gna kigbang kee na: Bible for Children  
[www.M1914.org](http://www.M1914.org)

©2022 Bible for Children, Inc.


Nkaa: Nkaal si ki tii ke aaga gmaa li kpa kigbang kee kigbanpaak  
ki ti saa saaga gmean pu na mok.



Upii umina nan si lijool li pu  
kifuuk bi na aagbaan ki si lik ni  
mpobiin ponni baa bi nani  
ujapoan Yesu pu na. Ni  
nan kpa ntaakpabyol ni  
kininbaak. Ujapoan  
nan gur bi kpei la.  
Una le nan ye Mary.  
U nan si nɔk nichee  
bi nan kpa ujapoan,  
Yesu ndɔpuinkoo  
pu na.




Nimina mòmòk nan dan  
kinyee? Kinyee pu paa le  
Yesu aatunyaan nan doo u  
tibor ni kininbaak aadoon  
muee? Bapu paa le  
Uwumbor nan kii  
ki cha bi kpaa  
ujaponbaal  
ndɔpuinkoo pu ki  
cha u kpo nima chee?  
Ni nan ye taani ke  
Yesu ye waaye unii u  
na aa? Bee Uwumbor  
le aatun naa ye ke u tun pu na?




Aayi! Uwumbor aanan  
bii nibachee. Yesu mu  
aanan kpa ngarm mba  
waatuln ponni. Yesu  
nan ponn nyi ke bijab  
bakaadam bibaa ga nan  
kpa u ndɔpuinkoo pu.  
Haali, Yesu aanan laa ye  
ubo pu na uja u bi yin u  
ke simeon na nan tuk  
Yesu aana, Mary ke  
mpobiin/tibɔbir dɔ  
umopu ki kii bi.




Naanan ki daa Yesu aakun le  
upii uba dan ki nan tab tubalee  
yaa Yesu aataa pu le waadidiliib ke, “u  
bi bii limonbil la,” le Yesu len ke “u tun  
litunyaan kpaan le paa.” “Nimina le ye  
limokl tii maasumdaal.” Ilaleen aaboln so?



Nimina aajer na le Yesu  
aadidiliib kipiik ni bile ponni  
uba bi yin u ke Juudas na kii ki  
kooh udindaan, Yesu tii ubor ki  
gaa silba aakpakpaln piita.



Juuyaab aalarjer aajinal aanan  
fuuni na, le Yesu ni waadidiliib  
kpaan ki jin baakokoo aajiir. U  
nan tuk bi Uwumbor aajinjiir  
aawan ni waapuu tipuur ti tii  
binib bi gee u na pu na aabor.  
Le Yesu gii boroboro tii bi le ke  
tii bi ndaahn kiyikuuk ponni ke  
bi yakr tii tob. Nimina nan ye  
tiwan ni ga li teer  
bi ke Yesu nan di  
waawen ni waasin  
toor kitoork ki gaa  
timi lii timaatuwanbir  
ponni.





Le Yesu tuk ujotiib ke bi ga koo u le ki ga san cha u.  
Piita nan bui u ke, “maansan.” “Waahr aan ukooja  
ga nin wii na, aaga yii mi mfimutaa,” Yesu tuk Piita.




Kinyeek kaa nan koo  
ponni, le Yesu buen  
gaadinn uponni bi yin u  
ke Gethsemane u ti  
mee limeel.

Waadidiliid bi nan bi  
uchee na nan doon  
geen na. “Oh nte,”  
Yesu yin ute, “.....cha  
tiwan mɔmɔk ɲa  
saageen ponni ni  
saaban pu na, aama ni  
taa li ye maageen ni  
maaban pu na.”



Libuul ni le Juudas jooni soojatiib fuuni gaadinn ngbaan ponni. Yesu nan tuk waadidiliib ke bitaana niba. Aama, Piita nan gaa pel sooja uba aatafal. Le Yesu nan mee uja ngbaan aatafal kaa len ti ba le utafal ki neeb. Yesu nan ponn nyi ke waachulm kpee ute Uwumbor aasiin ke ni na puna ponni.




Binan chuu Yesu le ki di u buen baaborkpaan do. Nima chee le juuyaab aasalolm ke bi ku Yesu. To, Piita mu nan si gbak bitutum bi si wor mmii limitortaab ki nok

libornampal ki si lik baabi nani Yesu puna. Bi nan lik bee Piita le ki baah u ke, “aamu nan bi Yesu chee!”

Le Piita nee ke waaye ki ti saa mfimutaa Yesu aanan tuk puna. Le Piita puun le ki puu.




KOKOLIKOOO




Waa yii Yesu ki ti doo na le  
ukooja wii. Ni nan bi ke Uwumbor  
aaneel len aabi len Piita chee na.  
N-yoonn ngbaan le u teer Yesu  
aanan tuk u pu na, u sui bii  
saakpen le u wii ke ubowatiir na.





Juudas aanan ṇa kina ti doo na  
le naanan ki moa u le usui bii  
saakpen. Bapu, u ma uba nyi  
ke Yesu aatun bakaa uba. U  
nan giin silba aakpakpaln  
Piita na ke u ti di tii ubor  
le u yii ke waangaa.





Juudas nan di limonbil  
ngbaan mee yaa kitiŋ le ki  
siir ti leen mŋmin ku ubaa.




Juuyaab aabor ngbaan nan  
joooni Yesu pilate chee,  
Roman yaab aatindaan.  
Pilate nan tuk bi ke,  
“maakan uja umina  
aataani.” Waalen ki na  
na, le kinipaak ngbaan  
teeni ke, “kpaa u! Kpaa u!”





Kokoona le pilate ti kii tii  
bi le ki bui ke bi ti kpa  
Yesu ndɔpuinkoo pu.  
Sojatiib nan sal u, tei  
timoatan loi unimbil wɔb  
le ki loi u tiwan. Bi nan  
na ikokon aayikpepik le  
ki di chin u mpoan le  
kikpaa u ndɔpuinkoo pu.




Yesu nan ponn nyi ke u ga nan  
kpo ki na aakun. U mu nan ki  
nyi ke waakun ga jooni chaapinn  
tiini binib bi gaa u ki kii na.


Binaayurb bilee bibaa mu nan  
bi baadɔpuinkoo pu Yesu chee.

Ubaa nan gaa Yesu kii le u  
ken na aanan gaa u kii.


Unan gaa u kii na nan ti  
koo Uwumbɔr aanaanni  
le uken na nan gaal.




Yesu aanan jin falaa ti  
saa n-yoonn mba na le  
ulen ke, “ni doo aa,”  
le ki kpo. Unan tun  
waatun doo dunyaa  
ni a. Ujotib nan di  
u ti sub likaakul ni.  
Ni nan ye  
kitakpalon ni la.




Roman aasoojatiib nan  
buen le ki ti kiihr maln  
likaakul ngbaan. Ubaa  
aan ki nmaa koo  
bee unyani.




Yesu aadoon le yaabana  
kan, lik naaba ga liwu pu  
na. Aama, Uwumbor nan  
na lijinjir aawan nibaa.  
Yesu aanangaal nkun ni.




Njan aawiin aachakpiikni likpakool  
pɔln ponni, Yesu aadidiliib nan  
kan ke litakpal li bi di len  
likaakul aamɔb na chuu  
nyan na. Baanan lik  
liponni na le bikan ke  
Yesu aawen aaki do.



Upii ubaa nan gaal mbuu tab ki si  
wii le Yesu nyani kinan di ubaa  
møk u. Ni nan moo u le u san  
buen ti tuk Yesu aadidiliib  
biken. “Yesu BI limonfal  
NI! Yesu fikr nkun ni a!”





Yesu nyani waadidiliib mu chee libuul ngbaan ni le  
ki di unḡaal mək bi baanan kpa u pu na. Ni nan sil  
ye mbamon ke Yesu fikr nkun niki bi limonfal ni.  
U nan di chaa pinn Piita le ki tuk waadidiliib ke bi  
li mooni waabonyaan. Nima chee le u gir buen  
paacham nin chee unan nyani na.





Yesu Aajan Aafalaa Aajim Ni Waakun Aafikr


Tibor tinyani Uwumbor aamoboln ni,  
Uwumbor aagban ki bi yin Baabur na

ti bi nin ponni

Matiu 26-28, luke 22-24, Jonn 13-21

“Uwumbor aaliin i koo i ti ponni na jooni nwiihn la.  
Ilahn aagban niyil nkob ni kipiik ni liba, nyakr  
nkob ni moniko ni kipiik.” Ilahn 119:130





Ndoon

54

60



Baabur aagbaŋ kee bi tuk timi timaawumbor aaye  
lijinjiir aawumbor puna aan kinaan mi ni sin ke ti bee u ki li nyi u na.

Uwumbor nyi ke ti tun taani pam, taani u bi yin ke tituwambir na.  
Ntafadaan mu si tii tituwambir na le ye nkun, aama, Uwumbor aageehn  
saakpiin pu le u tun ni ujaɓɓa baal Yesu ke u nankpo ndɔpuinkoo pu ki gaa  
timi aafalaa lii aan kinyan timi tituwambir ponni. Nimina aapɔwɔb le Yesu  
fikr nkun ni ki jon paacham ki buen ute aanaan ni. Kina puna, aaya gaa Yesu  
ki kii ki yaa ban chapinn u chee kan, u ga chapinn si saataani mɔmɔk dulnyaa  
wee ni le ki ga kooni aachee ki li bi aaponni le aamu ga li bi u chee ki ti  
saa n-yoonn mu kaakpa ndoon na.

Aaya sil gaakii ke tibor tee ye mbamon kan cha ti mee limeel lee tii Uwumbor:  
Ndindaan Yesu, m gaakii ke aa sil ye Uwumbor u kpaln unibon aabo ki kpo tii  
timaatuwambir pam na aan kifikr nkun ni ki gur ye unipoan din aataak na.  
Gnaahni kikooni maabinbin ponni aan ki chaa pinn mi maataani mɔmɔk aan  
nimina gma cha m kan mbibinpoan ni limonfarpoan li ga cha m ni sin na li bi  
tɔb chee ki ti saa n-yonn mu kaakpa ndoon na daabadaal na. Ter mi ki  
chaa m gmaa dii saamoboln aan ki li bi ke saabo na. Amii.

Kaln Uwumbor aagbaŋ ki cha aani Uwumbor gbaa tabor idaamɔmɔk!

John 3:16

